



Omonkaratakanteri Anampitsite

...Ojewatakantary Antawaire anampitsite

Auspicio: Agencia Canadiense para el Desarrollo Internacional

©Acuerdo Nacional

Hecho el depósito legal N° 2005-9393
Primera Edición

La reproducción del contenido de esta obra
queda permitida, siempre y cuando se cite
la fuente y el título arriba señalados.

Secretaría Técnica del Acuerdo Nacional

Av. 28 de Julio 878, Miraflores
447-0489 / 242-2756
parriaga@pcm.gob.pe
www.acuerdonacional.gob.pe

Traducción:
Dirección Nacional de Educación Bilingüe Intercultural
Edgar Quispe Chambi
Nelly Ramos Rojas

Diseño y Diagramación: Cobol

Este libro fue impreso en Cobol
Av. José Gálvez Barrenechea 145 Lima -13
476-2311 476-2321



Omonkaratakanteri Anampitsite

...Ojewatakantyarí Antawaire anampitsite

**Omonkaratakanteri Anampitsite
Irotake Jantakeri Dr. Alejandro Toledo Manrique,
Pinkatsari Ashi Anampitsite,
isankenatakotakero 22 tson kashiri,
2002**

*Antawairentsika p̄impajeterori anampitsite ari osaikakotsiri antaroite akowajetsiri
Peruki ontsimimotajai āparoni kenkishiriansi iroperori
Aririka amonkaratakantakero okaratsi okowakantsirika Anampitsite ari
oitampatsikatajero añamento Anampitsite irotake kantaitajachane akarajetainika;
āparoni onkantajia anampitsite eiro akisanentawakantajaro ayenkishiriamentopaye
akowirika ampinkatsariwentero Anampitsite.
Irowe ikantaitsiri iroperori apatsiyantaantsi.*

Sheripiari Alejandro Toledo
Pinkatsariwentsirori Anampitsite Peru
Inenemoko icharinkantakarori Okowakantsiri Anampitsite
22 kashiri tson 2002

Saikantarori

Owairo Apatorentsi Apatotashitakarori

Jewatzirori

Omonkaratakanteri Anampitsite

Okenkishiriari Jantayetziri Jewatzirori Anampitsite

Etakaiyaro opoña Apawakaiya okaratzi Ikwakaitzimiri Nampitsiki
Etawotawakantsi.

Anakotawakaiya Amonkarairo Antawaire Anampitsite.

Nampitsi Iroperori, Onkoñaate Kametsa Eejatzi Ontsipareya Ishintsinka
Pinkatsari.

Okaratzi apatota jantayetziri

Ontzimatye antero Kenkitsarontsi

Japatoita Omonkaratakanteri Anampitsite

Apototantsipaye jewatakantsirori kenkitsawaitaantsika Okowakantsiri Anampitsite
eejatzi owinkatsaritepaye japatsiyaitakeri kashiriki tson 2005

Apatoirentsipaye

Pinkatsariwentzirori

Pinkatsari ashi Anampi	Doctor Alejandro Toledo Manrique
Ishempa pinkatsari	Carlos Ferrero Costa, Presidente del Consejo de Ministros
Acción Popular	Valentín Paniagua Corazao / Víctor Andrés García Belaunde / Luis Enrique Gálvez de la Puente / Luis Alberto Velarde Yáñez
Concilio Nacional Evangélico del Perú	Rafael Goto Silva / Víctor Arroyo Cuyubamba
Confederación General de Trabajadores del Perú	Mario Huamán Rivera / Juan José Gorritti Valle / Eduardo Castillo Sánchez
Confederación Nacional de Instituciones Empresariales Privadas	José Miguel Morales Dasso / Leopoldo Scheelje Martín / Jaime Cáceres Sayán
Conferencia Episcopal Peruana	Mons. Hugo Garaycoa Hawkins / Mons. Miguel Cabrejos Vidarte / Gonzalo Flores Santana / Jorge Lafosse Quintana
Coordinadora Nacional de Frentes Regionales	Washington Román Rojas / Américo Menéndez Rojas / Jesús Many Salas
Frente Independiente Moralizador	Fernando Olivera Vega / Luis Iberico Núñez / Fausto Alvarado Dodero
Mesa de Concertación para la Lucha Contra la Pobreza	Rvdo. Padre Gastón Garatea Yori / Javier Iguiñiz Echevarría / Federico Arnillas Lafert
Partido Aprista Peruano	Alan García Pérez / Jorge del Castillo Gálvez / Mercedes Cabanillas Bustamante
Partido Perú Posible	Marcial Ayaipoma Alvarado / Jesús Alvarado Hidalgo
Sociedad Nacional de Industrias	George Schofield Bonello / Miguel Uccelli Rodríguez
Somos Perú	Alberto Andrade Carmona / Fernando Andrade Carmona / Ernesto Blume Fortini
Unidad Nacional	Lourdes Flores Nano / Antero Flores-Aráoz Esparza
Unión por el Perú	Aldo Estrada Choque / Ernesto Velit Granda

INVITADOS

Solidaridad Nacional	Luis Castañeda Lossio / Fabiola Morales Castillo / Marco Parra Sánchez
Plataforma Agraria de Consenso para el Relanzamiento del Agro Peruano	José Enrique Málaga Málaga / Luis Zúñiga Rosas Ciro Oblitas Avilés
Representantes de los Gobiernos Regionales ante el Consejo Nacional de Descentralización	Presidente del Gobierno Regional de Loreto señor Robinson Rivadeneyra Reátegui / Presidente del Gobierno Regional de Ayacucho, señor Omar Quesada Martínez
Representantes de los Gobiernos Locales ante el Consejo Nacional de Descentralización	Alcalde provincial de Huancayo, señor Fernando Barrios Ipenza / Alcalde distrital de Ate, señor Oscar Benavides Majino

Jewatzirori

Jewatzirori Amenakoteroni

Apani owetsikakota kenkishiriantzi
Apani iwetsikajeita Atziripaye
Apani iriperantzi ashi Nampitsi
Apani ikaratzi jewatzirori Kamantantatziri

Jewatzirori Iriperantzipaye

Augusto Ramírez Ocampo
Eduardo Stein Barilla
Diego Achard
Juan De la Puente Mejía
Juan Julio Wicht Rossel, S.J.

Jewatzirori Okamantakoyeta

Diego Achard
Rodrigo Carazo Odio
Luis Lauredo
Augusto Ramírez Ocampo
Eduardo Stein Barilla
Fernando Cabieses Molina
Max Hernández Camarero
Juan Julio Wicht Rossel, S.J.
Monseñor Luis Bambarén Gastelumendi, S.J.
Rafael Roncagliolo Orbegoso

Jwatzirori Saikatzi Owaankoki Nampitsi

Pinkatsariwentsiriri Pinkatsaripaye
Pinkatsariwentsirori Owayeritaantsi
Pinkatsariwentsirori Yotaantsipanko
Pinkatsariwentsirori Awentamentotsi
Pinkatsariwentsirori Antawarentsi
Owinkatsariwento Tsinane Eejatzi Shokakairori Anampitsite

Iriperori sankenawairentsi

Max Hernández Camarero

Omonkaratakanteri Anampitsite

Okaratzi apampitsashiriakari aretyari amonkarairi añaantyarori otzimimotai; ajewate kametsa aapatziyawakaiya Nampitsiki, pinkatsariwentzirori apatoita kenkishiriantsi, kemisantzinkari, japatoita atziripaye eejatzi pinkatsari eero akantzimoshiriawaite; akakero maaroni okenkishiriantari Nampitsi osaikakotake Omonkaratakaanteri Anampitsite, ontzimatye amonkarairo antero etanakiaro iroñaaka.

Iroka kenkishiriantsi okaratzi otsi akakeri akowiri aretyari:

- Etakaiyaro opoña Apawakaiya okaratzi Ikowakaitzimiri Nampitsiki
- Etawotawakantsi
- Anakotawakaiya Amonkarairo Antawaire Anampitsite.
- Nampitsi Iroperori, Onkoñaate Kametsa Eejatzi Ontsipareya Ishintsinka Pinkatsari

I. Etakaiyaro Opoña Apawakaiya Okaratzi Ikowakaitzimiri Nampitsi.

Okowaperotatya Nampitsiki ikowakaiteri eejatzi etakaantsi ari ojewate Kametsa apawakari okaratzi ikowakaitzimiri iroperanto, aretantyarori asaiki kametsaini añero ojewate anampitsite. Akowiri amonkaratero iroka:

- I.1. Ontzimatye amonkaratakairo okaratzi ikowakaitairi okameetsate okantziri iraikitsite, ontsime ipairiete Pinkatsariwenterori Anampi tekatsi tsikakowenterone Onkoñaate Kametsa, oshekitziki kinkishiriantzipaye, aririka inkonoweya shintsinkantsipaye okantziri aikitsite maaroni imonkaraiya ontzimatye ishintsinkapaye.
- I.2. Osaikakote japatota kenkishiriantsipaye maaroni kipatsi anampitsteki, eejatzi apinkatsatero isaiki kapicheni opairiakeri Nampitsi.
- I.3. Apatotero apani Nampitsi atsipayetyaro, amenakotero osaikayetzi maaroni Nampitsi ampampitsashirieri anteri apaata, ampinkatsatero kametsatsimotzirori tzimimotzirori pairani anampiki eejatzita saikatziri osheki jiñawaitziri nenetsipaye e iyotanepaye acharine.
- I.4. Awetsikakotero asaiki kametsa eejatzi aamaiyaro isaiki atziripaye, okantya eero okowenkatanta, apawakaiya, kantatsi asaiki tsika akowiro aaka ontzimatye impinkatsatae tsika asaikayete.
- I.5. Awetsikakotero kenkitsarontsi apatowentari, okantya okoñaatantyarori Kametsa eejatzi ipinkatsashirete akantawaita, jamenero okantawaita apatotero antsiapatyaro aamakotyaro ontzimatye amonkaratakairo anintziri akowiri aakapaye ainijantero apampitsashiriakari.
- I.6. Ontzimatye amenero tsika okantya aretantyarori ipinkatsatae eejatzi otzikaakowente okaratzi ikowakaiteri atziritsi eejatzita yomparitantsiki, apinkatsatero okaratzi ikowakaiteri maaroni Nampitsi eejatzita ikowakaiteri atziritsi, osankenari apatota Nampitsi, eejatzita isaikayetzi wirakocho.
- I.7. Ayatakairo apani kenkishiriantsi, aamakotya Nampitsi ompero shintsinkantsi antawairentsi, okaratzi tzimimotzirori onintziri anampitsite.

2. Etawotawakantsi

Ari amatakero maaroni, eero añantaro antashanente eejatzi añeero ijewate atziri amonkaratawakaiya apawakaiya okaratzi tzimayetasiri maaroniki saikantarori Nampitsi kooya, shirampari eero akawiyawaka ari añakero ojewate anampitsite, Irotake okowaperotantari iroka, akowiri anteri:

- 2.1. Amenero tsika okantya aretanyarori intzimimotai kireeki; asaiki Kametsa ajewatakiro ayotanenka y kinkishiriantsi, ookanako maaroni kowenkatziri eejatzita akawiyawaka, ontzimatyepinkatsatawakaiya okantziri ikowakaitsiriri atziri.
- 2.2. Amenero ontzimantyarori antawairontsi Kametsa oshokite antawairontsi eero ikowityanta kireeki, oshokantyarori ojewate antawairontsi.
- 2.3. Akakotero yotantsi apatota maaroni amenanyarori ojewate Kametsa antawairontsi opoña antawaiyetatziri iyotaantsi ompinatakotya al 6% del PBI.
- 2.4. Ontzimatyepinkatsatawakaiya onkeni antekatsiwaite awatsaki kametsa antekatsite maaroni eero opinata; ari onkantaitatyeya, amenakotya oshokite onkantya jawentantairi, amenakotero maaroni onkantya imakoriantyarori antawaitatziri eejatzi ontzikaakoyeteri, amenero oshooke kametsa okantakota atekatsite maaroni aparopaye anampiki.
- 2.5. Apatotero apani kinkishiriantsi okantakota oyotanenka nampitsi, oinijaiya okametsatzijewatantyarori kametsa anampi; ontzimatyepinkatsatawakaiya ikantakota atziri eejatzi antayetero kametsaini asaikaiyine akarajeitzi.
- 2.6. Amenakotero ontzime aparopaye pankotsi isaikantyarori kametsa atziripaye, onkeni jantarite kametsa, intekatsiyete kametsa, aparoni nampitsi iroperori tsika asaika kametsa.
- 2.7. Amenero tsika ankimotate kametsa ontzimatyepinkatsatawakaiya añaatatya, onkeni ontzime owetsikia iroperori Yotantsi eejatzi iyote kametsa eejatzita onkitsoyete antayetziri.

3. Anakotawakaiya Amonkarairo Antawaire Anampitsite.

Apampitsashirero okaratzi aretyari akametsashirete ompoña apatotyepinkatsatawakaiya anampitsiteki, ontzimatyepinkatsatawakaiya ontime apani kinkishiriantsi ashi Nampitsi okemita jamenakota kireeki janintaiyarori atziripaye, iritake anterone, amenakoteroni; irapatowentyaaro antawairontsi añaananyariri kireeki. Iroñaaka ontzimatyepinkatsatawakaiya amonkaratero iroka:

- 3.1. Ontzimatyepinkatsatawakaiya ajewatero anakotawakaiya ompoña onkoñaate antawairontsi kametsa ninka anteroni iriani antaro ishekieri kireeki opoña iramenero oshokitantyarori antawairontsi jewateroni saikatziri Anampiki eejatzita pashiniki Nampitsi. Onkantya ontzimantyarori iroperori antawairontsi jaka Anampiki eejatzita pashini Nampitsiki.
- 3.2. Amemenatero ashewatero okaratzi anteri apatowentakari, kinkishiriantsi jewatantyarori Anampitsite jaka opoña saikatziri tonkaari Nampitsi ontzimantyarori antawairontsi; iwetsikakotya iriperori atziripayeni ashekiantyariri kireeki antawairontsiki opoña ayero antziri aaka Nampitsiki eejatzi ampimantero pashiniki Nampitsi; okantakantziri apani kinkishiriantsi itzimantyarori kireeki

imonkarairo ikantakantziriri amenakotziriri eejatzita ontzime apani kenkishiriantsi ipinaitzirori Nampitsi onkeni iyate kametsa iwetsikakotya kireeki onkantya aretanyarori ishekite iweraiya 18 % del PBI.

- 3.3. Amenakotero ashewatakotero jantanyarori japatoita kaari ashi Pinkatsari owetsikanyari, awameetsatero irantero iwetsike kaari ashi Pinkatsari ari onkantya owetsikakotya antawairentsi eejatzi ampitakotero oireekite Nampitsi ompayetero maaroni jantawenta kireeki.
- 3.4. Aimoshirenkero okaratzi antayetakeri oweraka aretakari anampitsiteki eejatzita kaari ashi awinkatsarite okanta owetsikakota owakerari iriperori kenkishiriantsi; amenakotero okenkishireyaaro owetsikia ñaantsi aimishitowe owakerari antawairentsi ashiyakantero okaratzi antziri aakapaini eejatzita okaratzi jantayetziri iriperantzi iyotanenka
- 3.5. Amenakotero tsika iyaate apimantero intaena awankiri apatowentanakiaro maaroni Nampitsiki eejatzita kaari ashi awinkatsarite onkantya añaanyarori oshekite eejatzita awetsikakotero ampimantero pashiniki Nampitsiki aretanyarori amonkarairo okaratzi antawairi onkeni ampimantero pashiniki Nampitsi.

4. Nampitsi Iroperori; Onkoñaate Kametsa Eejatzi Ontsipareya Ishintsinka Pinkatsari

Nokantanaimiro okaratzi akowiri añaero Nampitsi iroperote onkoñaate kametsa ontsipareya onkantya aretyari atziripayeni onkeni apawakari okaratzi antayeteri. Aretanyarori okaratzi akenkishiriantsi ontzimatye antero iroka:

- 4.1. Awetsike apani Nampitsi iroperori monkaratzirori onkoñaate kametsa Nampitsiki, Anampiki opoña Apankokipaye amenakotziro okowayetziri Anampiki eejatzita okowaperota antero maaroni atziripaye okantya impinkatsate antayetziri japatoiyeta atziripaye.
- 4.2. Amenakotero okantya oinijanyarori kametsa tsika jiyatzi kireeki iyotanyari atziripayeni; ampantyariri atziripaye jamenakotero, ookayetero kaariperori jantayetziri Pinkatsaripaye, atziri iriiperantzipaye eejatzi eero jantziri kireeki ashi Nampitsi ikowi iyate japite Ipinkatsarite.
- 4.3. Awametsatero aretari antziri Nampitsiki iroka iroperori owetsikakota maaroni iyometairi okantakota jantawairi atziri ipinatziriri Pinkatsari eejatzita awetsikakote iyoote antawaitatziri Nampitsikipaye opoña iroperote antawairentsi Anampiki.
- 4.4. Ontzimatye amonkaratakiaro okantakota oweraakota antziri apani kenkishiriantsi ikantakota kireeki eejatzita iwetsikakoyeta okaratzi antayetachari ontzimatye ishirinkayetero shintsinkantsi pashiniki Nampitsi ikantakota kireeki; ontzimatye owetsikakotya kametsa onkeni ipayeteri kireeki pashini Nampitsi asaikakantane onkantya imonkaratanyari okantakaantziri; Etakaeyari Nampitsi ontsipatyaro tsika osaikayetzi Anampipaye.
- 4.5. Antyantero ojewate kametsa omonkaraiya maaroni aipatsite Anampi, akantakotero onkantya ontsipareya jamenakota kireeki ashi Awinkatsarite eejatzi ashiite Awinkatsaritepaye onkantya amenakotya osaikakote antaro ishewata kireeki eejatzi ontsipatyaro okarataiyini amenirori.

Atsonkatantanaiyarori; ontzimatye amonkarairo amenakotero kametsa iyatantyaari owetsikakotya

omonkaraiya iroka pitetsatzin kinkishiriarontsi ashi Omonkaratakanteri Anampitsite ari okantaitatyeya ontzime apatoirentsi Nampitsiki eejatzita Anampiki ashi Omonkaratakanteri Anampitsite eejatzita tzimatsi osaike apani sankinarentsi anterone ipinkatsatero antayetziri eejatzita ontzime apani Owanko Sankinatakotsirori ashi anampi ampitakotairi onkamanteri maaroni atziripayeni.

Akenkishiriakotero iroka Omonkaratakanteri Anampitsite okaratzí isankenayetakeri ontzimatyero iroperote aretya eejatzita oyaakote pashini shintsinkantsi kenkishiriantsi eejatzita apatoeyetachari atziripaye; ikowiri irante iramenero iwetsikero eejatzita imonkarairo etanakia iroñaaka irojatzí aretantakiari 28 tson kashiri 2021

Osankinatakota Nampitsiki Lima; iritake Pinkatsariwentzirori Nampitsi Alejandro Toledo Manrique, kitaiteriki pitetsapani tson kashiri 2002.

Alejandro Toledo Manrique
Presidente de la República

Roberto Dañino Zapata
Presidente del Consejo de Ministros

Alan García Pérez
Partido Aprista Peruano

Valentín Paniagua Corazao
Acción Popular

Luis Solari de la Fuente
Partido Perú Posible

Lourdes Flores Nano
Unidad Nacional

Fernando Olivera Vega
Frente Independiente Moralizador

Alberto Andrade Carmona
Somos Perú

Aldo Estrada Choque
Unión por el Perú

Mons. Luis Bambarén Gastelumendi, S.J.
Conferencia Episcopal Peruana

Darío López Rodríguez
Concilio Nacional Evangélico del Perú

Julio Favre Carranza
Confederación Nacional de Instituciones Empresariales Privadas

Juan José Gorriti Valle
Confederación General de Trabajadores del Perú

Manuel Yzaga Salazar
Sociedad Nacional de Industrias

Rvdo. Padre Gastón Garatea Yori
Mesa de Concertación para la Lucha Contra la Pobreza

Washington Román Rojas
Coordinadora Nacional de Frentes Regionales

Políticas de Estado
Omonkaratakanteri Okenkishiriantari
Anampitsite

Etakaiyaro Opoña Apawakaiya Okaratzi Ikwakaitzimiri Nampitsiki

Aparonitanaintsiri Irantawaitakanteri Awinkatsarite.

Ishintsitakairo Oyenkishiriamento Apatsiyaantsi Eejatzi Owinkatsarimento Anampitsite.

Apitetanaintsiri Irantawaitakanteri Awinkatsarite.

Iyomparetyaro Okenkishiriamento Irapatotaantsite Atsiripaye Kowatziri Impinkatsariwentero Anampitsite.

Mawatanaintsiri Irantawaitakanteri Awinkatsarite.

Arañatakajero Añaamento; Oyotane Anampitsite.

Otsitanaintsiri Irantawaitakanteri Awinkatsarite.

Ijewatakantero Iroperori Apatotaantsi Eejatzi Kenkitsawaitaantsi

Konitanaintsiri Irantawaitakanteri Awinkatsarite.

Irantawaitakante Atawairensipaye Iroperori Monkarateroneri Okowakantsiri Anampitsite.

Ikotanaintsiri Irantawaitakanteri Awinkatsarite.

Iyompareyetyaro Oyenkishiriamento Ashi Pashinipaye Nampitsi; Onkantya Atekatsitakotantyarari Eejatzi Ojewatantyarari Antawaire Anampitsite.

Tsontanaintsiri Irantawaitakanteri Awinkatsarite.

Intsonkatakantero Owayeritaantsi, Owantaantsi. Añaperowentajjaro Anampitsite. Jamakowentajjaro.

Sotitanaintsiri Irantawaitakanteri Awinkatsarite.

Yaretakajjari Oireekite Anampitsite Anampitsitekipaye Onkantya Ojewatakantyarari Iroperori Atawairensipaye Shekitakairiri Kireki.

Tintanaintsiri Irantawaitakantateri Awinkatsarite.

Iramawentakotyaro Anampitsite.

Etawotawakantsi

Tsanitanaintsiri Irantawaitakanteri Awinkatsarite.

Intsomakero Ashironkaantsi.

Tsaparonitanaintsiri Irantawaitakateri Awinkatsarite.

Amonkarawakajjia Antawairensikipaye. Intsonkakantero Kisanentaantsi

Tsapitetanaintsiri Irantawaitakanteri Awinkatsarite.

Eero Ipinatakajjaro Yotaantsi Iroperori, Yotantsipankokipaye Ashi Anampitsite. Ijewatakantero Iroperori Oyotane Anampitsitepaye Eejatzi Ashi Inchainaki.

Tsamawatanaintsiri Irantawaitakanteri Awinkatsarite.

Ankiajetaje Maaroni Owankokipaye Awentantsipanko Eejatzi Inkemopoyeniri Irañamento Atsiripaye.

Tsaotsitanaintsiri Irantawaitakanteri Awinkatsarite.

Irantawaitakajeri Atsiripaye Iroperori Antawairentsi Omishitowiriri Osheki Kireeki.

Tsakonitanaintsiri Irantawaitakanteri Awinkatsarite.

Ijewatakantero Iroperorir Antawairentsi Ashi Owaritentsi.

Tsaikotanaintsiri Irantawaitakanteri Awinkatsarite.

Ijewatakantero Iroperori Antawairentsi Onkantya Inkempoyantajariri Maaroni Atziripaye.

Anakotawakaiya Amonkarairo Antawaire Anampitsite.

Tsatsontanaintsiri Irantawaitakanteri Awinkatsarite.

Irañatakajeri Oireekite Anampitsite.

Tsasotitanaintsiri Irantawaitakanteri Awinkatsarite.

Iñaperotakayaro Iroperori Antawairentsi Ishekitantyariri Oireekite Anampitsite.

Tsatintanaintsiri Irantakanteri Awinkatsarite.

Ijewatakajeri Airekitepaye Eejatzi Antawairepaye. Ikempoyakantero Saikantarori Aipatsite.

Pitetsatanaintsiri Irantawaitakanteri Awinkatsarite.

Ijewatakantero Iroperori Yotaantsi.

Pitetsa Panitanaintsiri Irantawaitakanteri Awinkatsarite.

Ijewatakantero Iroperori Antawairentsi Owetsikantyariri Iroperoripaye Pankotsipaye.

Pitetsa Pitetanaintsiri Irantawaitakanteri Awinkatsarite.

Iyomparetyari Kireki Poñinkari Pashinikipaye Nampitsi
Ojewatantyariri Anampitsite.

Pitetsa Mawatanaintsiri Irantawaitakanteri Awinkatsarite.

Ijewatakiro Iroperori Antawairentsi Ashi owaritentsi.

**Nampitsi Iroperori Onkoñaate Kametsa Eejatzi Ontsipareya Ishintsika
Awinkatsarite**

Pitetsa Otsitanaintsiri Irantawaitakanteri Awinkatsarite.

Iyotanetakajiaro Irantawaire Awinkatsarite.

Pitetsa Konitanaintsiri Irantakanteri Awinkatsarite.

Inkempoyawentero Oshintsinka Owayerimentotsite Ashi Anampitsite.

Pitetsa Ikotanaintsiri Irantawaitakanteri Awinkatsarite.

Ijewatakantero Tampatzikari Antawairentsi . Intsonkakantero Koshitaantsi, Kariperotantsipaye
Tsonkatziriri Oireekite Anampitsite.

Pitetsa Tsontanaintsiri Irantawaitakanteri Awinkatsarite

Jowayeriteri Kokaweripaye.

Pitetsa Sotitanaintsiri Irantawaitakanteri Awinkatsarite

Ijewatakantero Irantawaire Pinkatsaripaye Eejatzi Pinkatsarimentotsi Irashi Atsiripaye.

Pitetsa Tintanaintsiri Irantawaitakanteri Awinkatsarite .

Oshitowakotaje Ayenkishiriamento Sankenarentsikipaye, Choritomokoki, Pirontsimokoki, Impokirotsaki

Mawatsa Aparonitonaintsiri Irantawaitakanteri Awinkatsarite

Antsonkatakanteri Oisomokori Eejatzi Apatsiyawakajia Anampitsiteki.

Mawatsa Panitonaintsiri takanteri Awinkatsarite

Ashokakajeri oirekite Anampitsite onkantya ampinawentajiari

OMONKARATAKANTERI OKENKISHIRIANTARI ANAMPITSITE

Etakaiyaro Opoña Apawakaiya Okaratzi Ikwakaitzimiri Nampitsiki

Aparonitanaintsiri Irantawaitakanteri Awinkatsarite

Ishintsitakairo Oyenkishiriamento Apatsiyaantsi Eejatzi Owinkatsarimento Anampitsite.

Ari ajewatakakero owinkatsarimento Anampitsite. Noyomparetyaro kametsaini iyenkishiriametopaye iriperoripaye shirampari kowatziri impinkatsariwentero Anampitsite. Impinkatsatero kametsaini kenkishiriametotsipaye irashi shiramparipaye pinkatsariperotsirori Okantakaantane Anampitsite.

Yaretantyarori okaratzi okowakantziri anampitsite Awinkatsarite Ontzimatyte jante antawairentsika: (a) impinkatsatakantero okantakantziri Anampitsite. Aparonitaje añaamento, oshintsika, oyenkishiriamento iroperori Anampitsite ampitakoterone anampipaye; (b) impinkatsatakantero oyenkishiriamento japatotantsitepaye irashi kenkishirinkaripaye atziri. Yamakowentyaro Anampitsite eejatzi aakaitepaye; (c) ijewatakantero kametsari kematsataantsi eejatzi yotaantsi maaroni atzirikipaye Anampitsite; (d) lwetsikakante Kantakantantsipaye ampinkatsateri. Iminkiakanteri kaariperoripaye kaari pinkatsateroneri okantakantane Anampitsite.

Apitetanaintsiri Irantawaitakanteri Awinkatsarite

Iyomparetyaro Oyenkishiriametopaye Irapatotaantsite Atziripaye Kowatziri Impinkatsariwentero Anampitsite.

Ijewatakantero iroperori, yomparetaantsi, apatotaantsi irashi shiramparipaye kowatziri impinkatsariwentero Anampitsite tzimayetatziri irapatotaantsitepaye eejatzi atziritepaye anampitsiteki;; jamenantyarori tsika ankantero ajewatero anampitsite kametsaini.

Yaretantyarori okaratzi ikowakantziri Awinkatsarite ontzimatyte: (a) iankenatakante iroperori Kantakantantsi impinkatsatantaityarori oyenkishiriamento japatotaantsite shiramparipaye kowatziri impinkatsariwentero anampitsite; (b) impinkatsatakantero, iñakantero antawaire ashi japatotaantsitepaye shirampari kowatziri impinkatsarite anampitsite; (c) ijewatakantero kametsaperori okawentaantsi irashi atziripaye kowatsiri impinkatsariwentero anampitsite; (d) inkempoyero, impinkatsatero, okawentaantsi shekitatziri atzirite eejatzi kapichenitatziri; (e) impero iroperori Kantakantaantsi ashi anampi, Apatotaantsipaye amenakotantyarori kowityimotarori anampitsite.

Mawatanaintsiri Irantawaitakanteri Awinkatsarite.

Arañatakajero Añaamento; Oyotane Anampitsite

Nojewatakantero añaamento, oyotane nampitsijanikipaye saikatzi Perú. Noyomparetyaro pashinikipaye Nampitsi onkantya ojewatantajari antawairepaye Anampitsite apaata.

Ijewatakantyarori Awinkatsarite antawairentsika ontzimatyte: (a) ikempoyero, añaamento, oyotane Anampitsite; (b) Ijewatakantero iroperori: Ampitakotaantsi, pinkatsashiretaantsi onkantya apatsiyawakantajari kametsaperoini akarajeitsika asaikantaro Anampitsite; (c) Jamenakotakantajero iroperori antawairentsi antachane apaata tsikanta ontzimaje antaroite apatsiyantaantsi eejatzi

kokaweritaantsi, oisomokoripaye saikayetatsiri pashinikipaye Nampitsi eejatzi anampitsiteki ashi; (c) jiyomparetakotyaro oenkishiriametopaye pashinipaye Nampitsi iroperori iyotantyarori ajewatakauro antawaire, oireekite, ienkishiriameto atziripaye eejatzi apatotaantsipaye ashi Anampitsite; (d) jampitakotero nampitsijanikipaye saikayetatziri otsapinampiki oipatsite Perú eejatzi iyomparetyaro antawaire pashini Nampitsi tsipatanampitairi; (e) ishintsitakairo iroperori yomparetantsi ashi Perú kankakowenterone, onkanya ojewatanyari antawaire pashinikipaye Anampitsite eejatzi impokanyari osheki oireekite ashi pashinipaye Nampitsi kowayetsiri ampitakotero Anampitsite; (f) ijewatakante antawairentsi antawaitanyari pashiniki Nampitsi; (g) impinkatsatero oipatsite pashinipaye Nampitsi tsipatanampitairi.

Tsontanaintsiri Irantawaitakanteri Awinkatsarite.

Intsonkakantero Owayeritaantsi, Owantaantsi. Añaperowentajjaro Anampitsite. Jamakowentajjaro

Ari amajeitakero awetsike Kankakantaantsi impinkatsatajeiteri shiramparipaye, tsinanepaye saikantarori aipatsite Perú eejatzi poñinkaripaye pashiniki nampitsi onkanya amonkaratanyarori okankakantairi aparopaye arori anampitsite.

Ijewatanyarori Awinkatsarite antawairentsika ontzimaty: (a) iyomparetyaro kenkishiriantsipaye iroperori kankakowenteroneri irantawairepaye Awinkatsarite eejatzi irashi atziripaye; (b) Ijewatakantero antawaire ashi yotaantsi onkanya ampinkatsantanyarori Kankakantantsi irashi Pinkatsari. Onkanya asaikantajeityari kametsaini eejatzi amonkaratanyarori okankakantairi Anampitsite; (c) maaroni antawakainkari eejatzi ñaashitakawaitiriri jananekipaye, kenkiwaripaye eejatzi tsinanepaye ari joijanatakeri Ishintsakiro Mora; Ikankakantaneki Pinkatsari; (d) tsikanta osaikayetsi kariperotaantsi ari isaikeri iratzirite iwinkatsarite; (e) Ijewatakantero yotaantsi omonkaratanyari kametsari apatsiyaantsi. (f) ontzimaty intzimaje Ishintsakiro Mora kempoyeroneri irañamento antawairiantsipaye antawayetatziri irantawaimentotsitekipaye Awinkatsarite; (g) ontzimaty irantawaitaje kametsaperoini Ishintsakiro Mora eejatzi ontzimaty impaitajeri owakerari yotaantsi iroperori eero ikoshitanta; (h) maaroni Pinkatsariwentzirori Onampitsijanikite Perú ontzimaty intsimimotajeri Ishintsakiro Mora.

Sotitanaintsiri Irantawaitakanteri Awinkatsarite

Yaretakajiri Oireekite Anampitsite Anampitsitekipaye Onkanya Ojewatakanyari Iroperori Antawairentsipaye Shekitakairiri Kireki

Ari amajeitakero aretakajiri oireekite anampitsite onkanya ojewatakanyarori iroperoripaye antawairentsi ashi anampitsitepaye Maaroni Pinkatsariwentzirori oipatsijanikitepaye Perú ari jaretajiri oireekite anampitsite. Te onkametsate Lima omisaikeri maaroni oireekite anampitsite. Irotake okametsatantari intsipareya kametsaini oireekite anampitsite.

Aparopaye Pinkatsari jamenakojeitero kametsaini irantawaire eejatzi oireekite anampitsite aretariri poñakotachari Lima onkanya ijewatakanyarori, ishekitakanyarori oireekite eejatzi antawairentsi ashi inampitsite.

Ijewatanyarori Awinkatsarite antawairentsika ontzimaty: (a) jampitakotero jamenakotero ireekite Pinkatsariwentzirori oipatsitepaye Perú eejatzi nampitsijaninkipaye; (b) maaroni atziritepaye ontzimaty jiñantsiwentajeri tsika ikanya jantawaitakaiteri oireekite Anampitsite eero ipeyashiwaitanta; (c) irantakante kametsaperori antawairentsi maaroni oipatsiteki Perú; (d) ontzimaty jiyomparetawakayaro kametsaini

iyenkishiriametopaye Awinkatsarite saikatziri Lima ejatzi Pinkatsariwentzirori oipatsijanite Perú; (e) maaroni Pinkatsarijanikipaye ontzimatye joyishitawakaiya irantawairekipaye eejatzi oireekitekipaye ashi Anampitsite; (f) impaitajeri owakerari yotaantsi tsika ikantaitsiri jamenakotaitsiri kireeki eero ikowityanta eejatzi antetajetanyariri maaroitene akarajeitsira asaikantaro kipatsi ashi Anampitsite; (g) ari jampitakotakero apatotantsipaye antaro eejatzi orijaniki shekitakairiri kireeki irashi Awinkatsarite eejatzi irashi kireekikipakoripaye. Irokapaye ontzimatye oyishitawakaiya antawairekipaye eejatzi oireekitekipaye; (h) jampitakotero anampitsitepaye jantaritanyari oireekite; (i) jiyomparetawakantajiaro irantawaire, oireekite Anampitsite Pinkatsariwentzirori nampitsijanikipaye eejatzi Pinkatsariwentzirori oipatsijanikitepaye Perú; (j) jampitakotero apatotantsipaye orijaniki shekitakairiri kireeki; (k) impero kireeki onampitsitepaye Perú aakerori, onika, konare, sharaka, ashinonkantsi, tashetsi.

Tintanaintsiri Irantawaitakantateri Awinkatsarite

Iramawentakotyaro Anampitsite.

Ari amajeitakero amawentakotyaro anampitsite onkanya impinkatsatantaityaro aipatsite ashi anampitsite Perú. Maarosite amawentakojeityaro anampitsite. Irotake Irantawaire Awinkatsarite eejatzi kempoyayetsirori omanarontsite anampitsite. Ontzimatye amonkarateniro okantakantsiri Kantakantsipaye ashi anampitse. Ari awayeritakeri koshekawairentsi kowatziri iwariperotero eejatzi, irapitsatero oipatsite Perú.

Ijewatanyarori Awinkatsarite anatawairentsika ontzimatye: (a) maaroitene amakowentajiaro aipatsite onkanya aretanyarori okowankantsiri anampitsite; (b) ari jampitakotakero Awinkatsarite Amenakantsirori Omanarontsi ashi owayeritaantsi onkanya asaikajeitanyari kametsaini; (c) jiyometsantajero yotaantsipankokipaye tsika ikantaitsiro jamakowentaitaro anampitsite; (d) jamakowentyaro kiarioperoini Antartida, Amazonia eejatzi oipatsite anampitsite; (e) ari imityankakeri iratzirite jewatakantsirori owayeritaantsi ashi anampitsite eejatzi Ishintsakiro Mora jamakowentanyarori oipatsite anampitsite.

Etawotawakantsi

Tsanitanaintsiri Irantawaitakanteri Awinkatsarite

Intsomakero Ashironkaantsi.

Ari amatakero ajewakanterero antawairentsi onkanya amonkarawakantajiaro antawairentsiikipaye anampitsitekika tsikanta oshekitzikantashiyetachari kisanentantaantsi. Osheki añajeitakero ikisanentaitziro koyapaye, jananekipaye, antarikonapaye eejatzi atziripaye saikantayetarori orijanikipaye nampitsi aisatzi ashinonkainkaripaye. Kantzimonentaantsika ontzimatye nontsonkakanterero onkanya ontzimentajiaro iroperori antawairentsiipaye eero ikowityantajari kireeki atziripaye.

Ijewatanyarori Awinkatsarite iroperorika antawairentsi ashi anampitsitepaye tsikanta japatsiyawakajia shiramparipaye eejatzi tsinanepaye ontzimatye: (a) ijewatakaero iroperori antawairentsi ompinatanyari owinaro pankiwairentsiipaye. Ijewatakaero antawairentsi shekitakairiri kireeki onkanya ontzimentanyari antawairentsi anampikipaye; (b) imperi owakerari yotaantsi, ijewatanyarori antawairentsiipaye shekitakairiri kireeki eejatzi shokakairori yotaantsitaki awetsikanyari antawairentsi owakerari onkanya aantanyari kikireeki; (c) ijewakanterero iroperoripaye antawairentsi owetsikantayetyari pankotsipaye, pankiwairentsiipaye anampitsitekipaye. Ontzimatye ampitakotero Awinkatsarite Apatotaantsipaye

shokakairiri kireeki; (d) yaretakaeyari oireekite anampitsite yotaantsipankokipaye eejatzi owankopayeki awentaantsi tsikanta oshekitzi ashinonkantsi; (e) jampitakoteri irantawairekipaye ashinonkainkari onkantya yaretantyarori ikowajeitsiri; (f) impajeri antawairentsi ashinonkainkaripaye; (g) jamenakotajero kametsaini antawairentsiipaye antayetachari anampitsiteki ampitakoyetsiriri ashinonkainkari eero ipeyanta kireeki; (h) jampitakotajeri ashinonkainkaripaye yamenakotajeri kantsimonentayetariri. i) Jiyometsajeri atziripaye tsika ikantaitziro aamawentyaro onika, konare, taranka, tsika ikantaitziro jawentaantatsi eejatzi oipirintajero anampitsite.

Tsaparonitanaintsiri Irantawaitakateri Awinkatsarite

Amonkarawakajia Antawairentsiikipaye. Intsonkakantero Kisanentaantsi

Ari amatakero ajewatakantero antawairentsi onkantya amonkarawakantajari antawairentsiikipaye anampitsitekika tsikanta oshekitzi kantashiyetachari kisanentantaantsi. Osheki añajeitakero ikisanentaitziro koyapaye, jananekipaye, antarikonapaye eejatzi atziripaye saikantayetarori orijanikipaye nampitsi aisatzi ashinonkainkaripaye. Kantzimonentaantsika ontzimatye nontsonkakantero onkantya ontzimentajari iroperori antawairentsiipaye eero ikowityantajari kireeki atziripaye.

Ijewatantyarori Awinkatsarite antawairentsiika ontzimatye: (a) iwayeritero kisanentaantsi eejatzi intsiparero kametsaini maaroni antawairentsiipaye; (b) jampitakotero tsinanepaye. Iyomparetyaniro oyenkishiriametopaye japatotaantsitekipaye Awinkatsarite eejatzi irashiki atziritepaye saikatziri anampitsiteki; (c) ijewatakantero iroperori yomparetaantsi ashi iroperoripaye antawairentsi onkantya jantetakantajariri shiramparipaye eejatzi tsinanepaye; (d) iro jampitakoperote tsinane antawairentsiikipaye; (e) ijewatakantero iroperori antawairentsi kempoyajerineri jananekipaye, ewankaripaye, kenkiwaripaye, tsinanepaye kempoyirori kametsaini owanko ashinonkawairentopaye eejatzi kisanentaropaye; (f) inkantakowentajero nampitsijanikipaye ashinonkainkaro, kisanentaro; imityankayetajeniro iroperoripaye antawairentsi onkantya ojewatanyari.

Tsapitetanaintsiri Irantawaitakanteri Awinkatsarite

Eero Ipinatakajaro Yotaantsi Iroperori, Yotantsipankokipaye Ashi Anampitsite. Ijewatakantero Iroperori Oyotane Anampitsitepaye Eejatzi Ashi Inchainaki.

Ari amajeitakero ajewatakantero iroperori antawairentsi ashi yotaantsi tsikanta maaroni shiramparipaye eejatzi tsinanepaye ijatajeitaje iyotanetajia antaroitekipaye Yotaantsipanko. Yometsantsika eero opinata. Maaroni yotaantsipankopaye saikatziri oipatsiteki anampitsiteki ontzimatye impinkatsaitajero antawairepaye antakantsiri..Maaroni yotaantsipankopaye saikayetatziri anampitsitekipaye ontzimatye oyometsantajero oyotane anampitsijanikitepaye, tsinampashiretaantsi, etakotaantsi, apatsiantsi, inkempoyajero Awinkatsarite maorini saikantarori aipatsite.

Ijewatantyarori Awinkatsarite antawairentsiika ontzimatye: (a) maaroni jananekipaye tzimatziro koni irosarentsite ontzimatye jiyometsaitajeri yotaantsipankoki iñaane irashi eejatzi oyotane inampitsite irashipero. Inkantakowentero irowarite eejatzi awentaronsi itekatsiantyari; (b) maaroni yotaantsipankopaye irashi Pinkatsari, kireezpakori saikayetatziri anampitsiteki; ontzimatye apatsiyawakajia (c) ishintsitakajero owakerari; (d) iyotane yometsatzinkaripaye antawayetatsiri yotaantsipankokipaye eejatzi imperi osheki kireeki; (e) Impajeri iroperori yotaantsi jananekipaye yotaantsipankoki eejatzi impinkatsatajeniri iyenkishiriametopaye; (f) ijewatakantajero antawaire iroperori yotaantsi irashi yotaneripaye eejatzi ashi yotaantsitaki; (g) ijewatakantajero iroperori yotaantsi irashi shiramparipaye

eejatzi mainaripaye. Jiyometsajeri yotaantsipaye ashi yotaantsitaki iroperori; okantawaiyetara isaiki atziripaye; (h) imonkaratajeniro antawaire yotaantsipankopaye ojewatanyari iyotane ewankaripaye jatayetatziri jiyotanetya yotaantsipankokipaye; (i) imityanke kireeki intsonkakantanyarori masontsitaantsi maaroni anampitsitekipaye; (j) impajero yotaantsipankopaye kireeki inkarate 0.25% ashi (PBI), monkarariri 6 % ashi (PBI) oireekite anampitsite Pe onkanya ojewatanyari iroperori yotaantsi ashi inchainaki eejatzi iyometaitajeri oyotane owañenkarontsi jananekipaye yotantsipankokipaye saikayetatziri anampitsitekipaye; (k) ijewatakantero antawairentsi kempoyajeroneri, monkarateroneri yotaantsi owametsantsiri yotantsipankopaye; (l) ijewatakantajero yotaantsi ashi antawairentsi irashi mainaripaye shirampari eejatzi tsinanepaye; (m) ijewatakantajero yotaantsi irashi eentsipaye, mainaripaye shirampari eejatzi tsinanepaye eero oñamatantaro koka. Eero itzimanta koshintzipaye, owantsinkaripaye, antawakainkaripaye jananeke yotaantsipankokipaye; (n) ijewatakantero yotaantsi añanaeki ashi eejatzi iñaneke wirakocha.

Tsamawatanaintsiri Irantawaitakanteri Awinkatsarite

Ankiajetaje Maaroni Owankokipaye Awentantsipanko Eejatzi Inkemopoyeniri Irañamento Atsiripaye.

Eero akowakotawakajaro awentarontsi nampitsikipaye tsikanta osaiki ashinonkaantsi. Imonkaratakairi atziripaye tsika okanta ojewatsi antawaire ashi awentaantsipankoki anampitsitekipaye.

Ijewatanyarori Awinkatsarite antawairentsika ontzimaty: (a) ijewatakante antawairentsi ashi amakowentyaroneri mantsiyarentsipaye iroperori areyetachari anampitsitekipaye; (b) Iramaeyaro mantsiyarentsipaye jamiri kokaweripayeni; (c) impayetajeri iroperanto nijaa maaroni atziritepayeni eejatzi jamakowentyaaro eero yapitsatantairo aipatsite; (d) ijewatakante iroperori antawairentsi ashi shintsiripaye mantsiyarentsi saikayetatsiri anampikipaye; (e) jiyometaantero tsika ikantaita ikempoyetziro añamento; (f) yaretakajero antawaire awentarontsi nampitsikipaye tsikanta okowityaperota awentarontsi eejatzi ashinonkantsi. Jananekipaye, ashitanietachari, kenkiwaripaye eejatzi antaripaye atziri ashinonkainkari iritake jampitakoperote; (g) ijewatakajero antawairepaye awentarontsi anampitsitekipaye eejatzi imonkarateniro antawairepaye tsika okanta ojewatsi; (h) Yampitakotajero tsinanepaye eero itzimanta osheki eentsite eejatzi irawentero aririka intsime eentsite; (i) eero ikowakotsiri atziritepaye jatatsineri irawentya awentarontsiki irashi Pinkatsari eejatzi irashiki kirepakoripaye; (j) ijewatakantero antawairentsi ashi awentarontsi irashi atziritepaye kaari tzimatsine ireekite yanyari awentarontsi. Impero kireeki amenakantsirori awentarontsi onkanya awentanyariri maaroni atzirite osankenatakotane ashi awentarontsi; (k) ijewatakantero antawairentsi ayotantajarori tsika ikantaitziro jawentantaitsi; (l) ari jantaritakakeri oireekite jewatakantzirori awentarontsi; (m) jiyometsajeri antawairantsipaye ashi awentarontsi yotaantsi owakerari iroperori irawentanyariri atziripaye. n) Ijewatakantero antawairentsi ashi owakerari yotaantsi awentarontsiki ashi anampitsite eejatzi irashi wirakocha; (o) impinkatsakantero antawaire ashi jewatakantzirori awentarontsi.

Tsaotsitanaintsiri Irantawaitakanteri Awinkatsarite.

Irantawaitakajeri Atsiripaye Iroperori Antawairentsi Omishitowiriri Osheki Kireeki.

Ari amatakero amperi atziripaye iroperori antawairentsipaye anampitsiteki onkanya jiriperotantajari. Ari nojewatakantakero iroperori antawairentsi ishekitantajari aireekite ashi eejatzi ishekitantanyariri oireekite anampitsite eejatzi kirepakoripaye.

Ijewatanyarori Awinkatsrite antawairentsika ontzimaty: (a) ijewatakante iroperori apatotaantsi tsikanta isaikajeite kirepakoripaye, iratzirite awinkatsarite, yotaantsipankoripaye onkanya jamenanyarori antawaire iroperori yotanetaantsi, ashi yotaantsitaki. Onkanya Ojewatanyari irantawaire yotaneripaye antawaiyetatziri anampitsiteki eejatzi jamenakotanyarori kametsaini apimantayetziri pashinikipaye Nampitsi; (b) jantakante Kantakantantsi jewatakanterone eejatzi ampinkatsateri maaroni antawairentsikipaye onkanya ontzimanyari iroperori kenkitsawaitaantsi; (c) ari inkantakowentakero antawaire japatotaantsite irashi antawairiatsipaye saikatziri anampitsiteki. Impikatsakantero Kantakantaantsi okantakantziri ashi antawairentsi paitachari (OIT); (d) ijewatakantero iroperori antawairentsi ashi orijanikipaye Apatotaantsi shekitakairiri kireeki ashi pankiwairantsipaye eejatzi oitsokakairiri kireeki; (e) jantakante Kantakantaantsi ampitakoterone antawaire ashi apotaantsipaye shekitakairiri kireeki; (f) jampitakotero orijanikipaye Apatotaantsi aantayetzirori antawairentsi akotsiki; (g) ari jampitakotakero Apatotaantsipaye antaritakairi oireekite. Iyometsairo owakerari yotaantsi onkanya oyotanyariri antawaitakairi kireeki saikatziri anampitsitekipaye; (h) ari inkantakowentakero kamantaantsi ashi antawairentsipaye. Iyotanyari atziripaye tsika impimantero iwankiwairipaye eejatzi tsika okaratzi owinaropayeni; (i) eero ishinetakantziro Awinkatsarite iraye aparopaye atziri osheki kireeki eejatzi iraye kapicheni kireeki; (j) iwetsikakante owakerari antawairentsi ashi tsinanepaye, mainaripaye eejatzi antarikonapaye; (k) Imperi antawairentsi Awinkatsarite atziripaye saikantaperotarori inampitsite. Iwetsikeniri owakerari antawairentsi irashi atziripaye kisoporokiri; (l) maaroni antawairantsipaye irashi pinkatsaripaye eejatzi kirepakoripaye ontzimaty imonkaratawakajia ipinaitsiriri irantawairekipaye; (m) maaroni antawaire omishitowakantziri anampitsitepaye kaari saikatsine antarokipaye nampitsi ontzimaty intsipariajeniro Awinkatsarite kametsaperoini anampitsitepaye; (n) Jowayeriteri maaroni atziripaye antawaitakairiri kariperoripaye antawairentsi eentsipaye; (o) ijewatakantero iroperoripaye antawairentsi. Inkantakowentajeri irantawaire atziripaye; (p) ijewatakante iroperori apatoirentsi tsikanta osaikajete Apatotaantsipaye shekitakairiri kireeki, irashi antawairantsipaye, ashi anampitsitepaye eejatzi irashi Awinkatsarite. Jamenakotanyarori tsika inkantero ijewatakantero iroperoripaye antawairentsi; (q) jimonkarakantero antawaire antawairentsipaye eejatzi irashi kireeki ayotanyarori tsika okanta ojewatsi antawairepaye.

Tsakonitanaintsiri Irantawaitakanteri Awinkatsarite

Ijewatakantero Iroperorir Antawairentsi Ashi Owaritentsi.

Akowiri antaiyerini awetsikakote apani kenkishiriantsi okantakota ontzime osheki owaritentsi iroperori maaroni atziripaye, okantya amonkaratakaanyarori apani añantari atekatsite okanta otzimantashiriari atziri maaroni.

Iroka aretyari Nampitsi: (a) onkimoshirewentero okaratzi otsimimotai antawaereki owaritentsi, eejatzi oshekite onkitsote antawairi, amenakoteri tsika ampeyanyariri owayetarori pankirentsi eejatzi amenero awetsikakotero antamipaye, eero amanantaje owaritentsi poñinkaro intaena Nampitsi; (b) ontzimaty amonkaratakairo okaratzi tzimantsiri owaritentsi jaka okantya eero opinatanta iro kantzimaintacha kameetsa iwarite ishintsitanyari maaroni atziripaye; (c) ari okarate eero amanantzi owaritentsi pashiniki Nampitsi okantya eero akosheka okaratzi iwayetari maaroni atziriki, ontzimaty ayatakairo oyaro okaratzi apankitziri anampiki; (d) amenakotero ashewatero osankinatakote owairo kametsa onkeni opimantya okaratzi apimantziri anampiki, tzimatsi apani amenerone kametsatakirika awankiri, onkanya irirori ikatantyaari jee kametsa ashi añantari eejatzi iro kametsa ashi awatsa maaroni atziripaye; (e) omonkaraiya, intsipatyari pinkatsariwentzirori anampi asaikika, atziripaye apatoitachari, jamenero inkempoyero kametsatakeri okaratzi pankirentsi, opimantya owetsikakotya impayeteri iwayetyari atziripaye, iroka ontzimaty amenakotya onkametsate onkeni oyaaro; (f) ontzimaty amonkaratakairo

iroperori onkameetsate pankirentsi; (g) amemenatero ashewatero antayeteri,japatoita amenakotzirori owayetarori okaratzi okowiri etakaantsi; (h) ontzimatye amenakotya okaratzi awisatsine aririka ampankiwaite, okemita otaranki kipatsi, owayetarori pankirentsi, ari ontzime onkaaro,eejatzita inkatsite ooria shintsini,ari ontzimate ampitakotaantsi tsitzimika ameneroni iwaametsaero kipatsi; (l) owetsikakotya apani kenkishiriantsi isaikaiyini maaroni japatota amenakota okantakota owaritentsi, owetsikia apani tsiparieroni amenakoteroni tekatsi iroyari atziripeye; (m) joimoshirenkero jamenakotero ikaratzi tsotatziri ichochone eentsi aretachari apani osarentsite jañaantari; (n) ompayeteri owaritentsipaye ashinonkainkaripaye; (o) oyometairi maaroni atziripaye okantakota aya kameetsa, atekatsite,onkitete awatsa, jamenakoiteri owachari kameetsa okanta jinintakaitziriri atziri jaretantyarori iroya kameetsa; (p) ontzimatye osaikakote okaratzi jantayetziri onkeni iyotaantya atekatsite kametsa Yotaantsipankoki; (q) amenakotero owetsikakotero okaratzi iyotziri ishintsiantari acharinipaye; (r) oinijairo okaratzi kametsatatziri tsika osaiki owetsikakota pankirentsi okaratzi apankitziri jaka anampiki; (s) amemenatero ashewatero jantero atziripaye eejatzita tsika japatoita atziri okantakota ipaitai owaritentsi poñinkaro pashini Nampitsi.

Tsaikotanaintsiri Irantawaitakanteri Awinkatsarite.

Ijewatero Iroperori Antawarentsi Onkantya Inkempoyantajariri Maaroni Atziripaye.

Akowi antaiyerini aimoshirenkero isheninkapayeni isaiki Iroperotantsi ishooke maaroni atziripaye, amenakotero okanta aawakaantsi apani Nampitsi isaiki ashaninka impinkatsatero akantawaita atziritsi eejatzita okaratzi okowa otampatzikatzi maaroni saikantarori. Iro okinkishiriiri Nampitsi aamawentyaro, iwashinonkairo eejatzita irookakairo okaratzi antayetachari kowenkayetatziri okanta isaiki ashaninka Nampitsiki. Nokantanajero iroka ontzimatye amonkaratakairo okantya asaike ashooke maaroni,eejatzita apani añaantsi kametsari ashi eentsipaye, ewankaripaye, ari amenaperotya tsika isaikayetzi ashinonkainkaripaye. Amenero ontzimantyarori tsika osaikakote Apatotaantsipaye amenero onkeni antsipatawakaiya kametsa eejatzita ankempoyawakaiya ari onkantya apani ayotero ampinkatsatawakaiya okaratzi kametsatzimotairi, ayotanenka eejatzita ikanta jañaantayetari atziripaye.

Iroka okowiri Nampitsi aretyari: (a) ontzimatye amene omonkaratya osaikakote anteri ayotairi ayateri owetsikakotya oshooke ikimoshirete ashaninka Nampitsiki apinkatsateri saikatziri maaroniki; (b) amenakotero okanta jirintaitari,jinirontaitari monkarawarentzi; (c) oimoshirenkero irantayetero ijewatero eentsipaye,ewankari tsika osaike Yotantsipanko eejatzita pashiniki tsika isaikayete; (d) ontzimatye amonkaratakairo isaiki entsipaye, ewankari apani Yotantsi eejatzita Awentatsipanki maaroni, onkeni iyotero Yotanetantsi,ñaatsawairontsi eejatzita owetsikakotya kametsaripaye, onkantya oimoshirenkantyarori jinintashireta, jantarite Kametsa, oshooke jaawiyayetziri; (e) iramakowentyaro okatziri awisatsine kaariperori ashaninkaki, okemita jantayetziro iina eejatzita ikoshiwaitziri eentsipeye, ewankari,okantya itsomakeromaaronikaariperori;(f) iramakowentyariapatoiwentarorikaariperori,okaratzikowenkatziri ewankariki amenakotero ashewatakotero owetsikakota tsika ayeri ewankari ookayetanakerori kaariperori; (g) antero owetsikakotya irooperori jamenakotya eentsipaye, ewankari ñaashitakarori kowenkari okantakota jowawakayeta atziri; (h) oimoshirenkero amenakotzirori okantakota jamenakota eentsipaye, ewankari,tsika osaiki Itsikaakoyeta eentsi, ewankari janta pinkatsaripaye owiri Nampitsi eejatzita Yotaantsipanko Okaratzi antayetziri tsika ikamantakoyeetziri, jamenakotziri iriperori eejatzita tsika iwashinonkaiya ikantakota kaariperori, ikoshiyetziri jantawaiyetzi; (i) jamenakotero osaikakotzi irooperori ñaatsarontsi, Yotaantsi oshekite ontsirekayetya pashiniki ewankari; (j) iwetsikakotya jantayeteri amenakotya maaroni ashi ewankaropaye motyaatatziri,iwe pinkatsaro jewateroni jameneri eentsipaye eejatzita aawakaachari ewankari; (k) oimoshirenkero okantakota jamenakota eentsijaniki kitaiteriki amenakotero maaroniki oshekitzi apatoirentsi; (l) jamitakotero jowayetziri kaari ashi Pinkatsari

eejatzita ashi Pinkatsari owetsikakotya tsika osaike ñaatsaronsi eejatzita iyotanenka ashi ewankari, ari etyaari tsika intainayete isaiki ashinonkaari; (m) amenakotero ashewatero tsika oinijaiya onkamantero shiyakaantsi Iroperori ashi eentsi, ewankari. Okaratzi iyoteri iweraaka irosarentsise; (n) jamemenatero ashewatakotero oyotaanta awatsatari ampinkatsatero otampatsikatsi ashi ashitaaniyetachari ikowiri iyotairi apaniironi ikowakairiri itomi; (o) ashekiero osaikakote ampitakotaantsi ashi ayotane eejatzi pashini ampitakotero owetsikia iyotanenka, iriiperote ewankaripaye; (p) owetsikakotya kenkishiriansi maaroniki atsonkanyarori kaariperori ashaninkaki, ewankaripaye; (q) amenakotero ashewatero owetsikakotya japatoitya ewankaripaye okantakota ikenkishiriari anteri Anampitsite.

Anakotawakaiya Amonkarairo Antawaire Anampitsite

Tsatsontanaintsiri Irantawaitakanteri Awinkatsarite

Irañatakajeri Oireekite Anampitsite.

Akowiri antaiyerini antzikakoyeteri ikenkishiriakota kireeki ashi Nampitsi ikantakota kireeki atziriki tsika ipimantayeta ari okantawetaka te ontzikaakotya impimantya iro kantzimaintacha tzimatsi apani Nampitsi amenakoteriri Kametsa, shewaterini, owetsikakoterini, Onkoñaate Kametsa okantakota ishekite, jamenero aretya ishooke atziripaye apatowentaro Anampitsite inkeni ishooke Kametsa, apawakaiya eejatzita ontzime antawairentsi.

Iroka akowiri aretyari, Nampitsiki: (a) ontzimatye amonkaratakiro osaikakote Kantakantaantsi iroperori ashi antawairentsi japatotaantsiteki Awinkatsarite; (b) amenakotero ashewatero ajate anakotawakaiya amonkarairo antawaire Nampitsi. Okaratzi ameneri antayetakiri osatekayeta eejatzita okenkishiriantari ojewate okaratzi antayeteri otsishiki Nampitsi eejatzita apankoki; (c) ankimoshiriwentero okanta intzime kireeki kaari ashi Pinkatsari; (d) ontzimatye ajewatero owetsikakotya onkimotate y owetsikakotya pankotsipaye; (e) ontsonkatya itzimawentai iriperaantzipaye ontzimatye antya irantero ikowiri imonkaratawakaiyari eejatzi iramenakotero antero apatoitachari okaratzi tsonkatzirori maaroni aipatsite; (f) ontzimatye ajewatero amonkaraero okaratzi tzimayetatziri intsiparieri kiatziri kireeki; (g) joinijantero apatojeita tsika oshekizti maaroni joshekieri kireeki jamenakotziri atziripaye ikaratzi tzimatsiri kireeki.

Tsasotitanaintsiri Irantawaitakanteri Awinkatsarite.

Iñaperotakayaro Iroperori Antawairentsi Ishekitanyari Oireekite Anampitsite.

Akowiri antaiyerini ashekiero ajate Anaakotawakaiya Amonkarairo Antawairi Nampitsi onkoweri aretyari ishooke kireeki onkeni ontzime antawairentsi Iroperori maaroniki Nampitsi. Onkametsatanyari ojate anaakotawakaiya Amonkarairo maaroni osaikakote antawairentsi, osaiki iriani y antaro tsika opayetantzi antawairentsi, ontzimantayari ontzimatye ashintsinkero maaroni anampiki iritake maperoteroni amenakoteroni panterone antawairentsi eejatzi Nampitsiki, amenakotanyarori ashewatero apani Yotantsi Iroperori onkantya otzimantayari apani kinkishiriansi kametsari osaikantayari oshekieri kireeki kaari ashi Pinkatsari onkantya jantayetziri ashi Pinkatsari y kaari ashi Pinkatsari. Iro akowiri antaiyerini ashewatero y aretyaro owetsikakotya antawairentsi, intzime kireeki maaronipaye.

Iroka akowiri aretyari Nampitsi; (a) apatotero apani amenakoronsi Iroperori, jewayetzirori, Onkoñaate Kametsa, owakerari eejatzi otsipareya shintsinkantsi; (b) ontzimatye amonkaratakiro onkanteri apani aikitsite oshewatakotya owametsatya y anakotawakaiya amonkarairo antawairi kireeki; (c) ontzimatye amenero apani apatotero owetsikakoyetya Iroperori ari onkantaitatyeya, eejatzita ontzimatye

ontsonkatero okaratzi otzikaakoyeta oshitowi amanantaantsi; (d) amemenatero ashewatero owetsikia Kametsa pankotsi; (e) amemenatero ashewatakotero aparoni antaro anakoyetya opimantayeta tzimayetatzi, owayetatsiri ireekite jantawaitakaayetziri; (f) apayetero apani kinkishiriantsi jamenakotya kireeki eero japawaita ontzime antawairentsi,eejatzizite ampimante pashiniki Nampitsi;(g) amemenatero ashewatero ompinatya maaroni okaatzizite tzimatsiri eejatzizite oshekite ampimanteru pashini Nampitsi; (h) ontzimatyete ajewatero ikamantakotya ikaratzi kireeki; (i) ontzimatyete ajewatero oinijairo Iroperori antawairentsi, owetsikakotya, osaikayete ompayete oinijaiya Iroperori antawairentsi; (j) ari ayotayetakeri amenakoteroni antawairentsi onkantya oshintsite antawairentsi; (k) owetsikakotya apani iyotanenka atziripaye anakotawakaiya amonkarairo okaratzi anteri antawairentsi opampitsashiriakari Nampitsi.

Tsatintanaintsiri Irantakanteru Awinkatsarite

Ijewatakajeri Airekitepaye Eejatzizite Antawairepaye. Ikempoyakanteru Saikantarori Aipatsite.

Akowiri antaiyerini amonkiero okantakota kenkishiriantsi maaroni antami ontsipatyaro ikenkishiriakota kireeki,akanta asaiki, iyotanenka eejatzizite owetsikakotya aipatsite, onkantya eero añantaro ashinonkaiya eretantyarori ojewate kametsa anampitsite. Akowiri antaiyerini eejatzizite owetsikakotya akowiri anteri okantakota antami, ashi Pinkatsari eejatzizite kaari ashi Pinkatsari onkantya akempoyaatyariri saikantarori antami,onkantya ayero kametsaini okaratzi tzimantarori antami eejatzizite amenawentero owetsikia Nampitsi kametsari tzimimoyeteroni maaroni; onkantya ontzimantyariri asaikke kametsa eero akowityawaitzi ari etyaaro Nampitsiki tsika okowaperota.

Iroka okowiri aretyari Nampitsi: (a) aimoshirenkero owetsikakota amenakotya antami ontsipatyaro amenakoiyironi japatota jewayetzirori atziripaye, jewatzirori antami maaroni, eejatzizite osaikakoyetzite amenakota anteri tsika otsipariayetaka Ishintsinka Pinkatsari, okaratakotzi amenakota anteri maaroniki antamiki; (b) amemenatero ashewatero jantayetero maaroni imonkarairo okaratzi janteru japatota kaari ashi Pinkatsari eejatzizite japatota atziripayeni okantya jakantyarori ikowakairori imonkaratakairo antami ontzimatyete ajewatero ampinkatsatero antami; (c) amemenatero ashewatero owetsikakotya aipatsite onkeni amenakoyetero okanta antami,otzishi,inkaare okantya awetsikakotero okowenkatake kipatsi; (d) ajewawentero amenero kowayetachari antantyarori owetsikakotya antamishi onkantya ontzimantyariri pankirentsi kiteriri; (e) imonkiawentero tsika owayeta kireeki maaroni Nampitsi onkantya opimantya tzimayetatsiri antamiki; (f) aimoshirenkero amenakota antamishi onkantya ampero Iroperori antawairentsi ontzimantyariri owetsikakotya awankeri, poñinkari, shiyakorontsi, owetsikakotya kaarashi eejatzizite tsinkitsa okametsate onkitete y anakotawakaiya amonkarairo,onkeni anintawaitya kametsa okaratzi tzimayetatzi antamiki, ayotakotzirori añantari, ayotakotzirori apimantzi eejatzizite kametsayetatsiri ookimotariri wirakocha; (g) amemenatero ashewatero onkantaitatyete amonkaratero antziri kametsa eejatzizite owetsikakotya kipatsi, jiña, tampia onkantya eero añantaro okoweenkate; (h) iyotakotairo intsikaakowentero iyotanenka eejatzizite iyotziri acharine onkantya irirori ontzimantyariri isankinatakotaiya a,impaiteri jinintakaitziriri maaroni atziri; (i) amemenatero ashewatero owetsikakotya kametsa anampi eejatzizite amene tsika apiyotero kaarashi okantya owetsikia okametsate anampitsite; (j) aimoshirenkero okanta Yotantsi eejatzizite amenakotya owetsikia antamishi; (k) ari onkantaitatyete ontzime monkaratantsi okantakota antami onkantya jantaantyarori atziripaye,japatoyeta atziri amonkaratantyarori okantziri osaikakotzi owetsikakota antami; (l) amenakotya onkantya ontsonkatakotya okaratzi okamenitsi opaimpatzi shintsini anampiki; (m) ontzimatyete omonkaratya antakeri saikatzi Nampitsi intaena okantakota ojewate kametsa antami eejatzizite ontzimatyete irampitakotai añantaayarori onkametsataje antamishi; (n) ontzimatyete irantero maaroni okantakota opimantya antamimashi.

Pitetsatanaintsiri Irantawaitakanteri Awinkatsarite

Ijewatakantero Iroperori Yotaantsi.

Akowiri antaiyerini ontzimatye ajewatero aretyari anampi onkanya ontzimantyariri airikero yotaantsi Iroperori,okanya antayetantyarori ijewate atziripayeni okanya okameetsatantyariri saikantarori antamishi eejatzita anakotawakaiya amonkarairo owetsikakota antawairentsi. eejatzita akowiri antaiyerini ashekiero antawairentsi Iroperori,ari amenakotya okaratzi shitowayetatsiri,ari okantaitatyeya omonkarairo. Eejatzita akowiri antaiyerini ontzimatye omperi osheki kireeki anterone antawairentsi iroka ontzimatye inkoyeeri anterone kametsa antawairentsi ari okemita eejatzita irotsikaawentero okaratzi jashitari iwetsikiri iyotanenka.

Iroka okowiri aretyari Nampitsi: (a) ompakotero osheki kireeki ompoña iwetsikakotero eejatzi iramene pashini kireeki onkeni owetsikakotya iraretyari atziri,iramenero Iroperori,owetsikia Iroperori owakerari antawairentsi,amemenateo antero owakerari antawairentsi; (b) jamenakotya jowetsike Iroperori antawairentsi onkanya iyotaayero tsika osaikakotzi iroperanto Yotantsipankopaye ari oyotaiya onkanya oshekite antawairentsi; (c) ontzimatye jamenakotya isaikakoyetzi atziripaye etarori joinijaayetziro irantawaire okanya itzimantyariri kireeki anampitsiteki; (d) amenakotya owetsikakotya Anampitsiteki eejatzita tonkaari otzishiki okaratzi shookatziri,tsikaasiki y antamimashiki; (e) amemenatero ashewatero tsika isaiki atziri, etanakiari ewankaripaye eejatzi eentsipaye,iwetsikawaiyete, rantayete Iroperori kinkishiriantsi, ipampitsashireya kametsa, inintashiriero saikantarori antami eejatzita ontzimatye oinijantya onkamantya choritomoko.

Pitetsa Panitanaintsiri Irantawaitakanteri Awinkatsarite

Ijewatakantero Iroperori Antawairentsi Owetsikantyariri Iroperoripaye Pankotsipaye.

Akowiri antaiyerini awetsikero pankotsi onkanya atsonkatantyarori kowayetachari, okanya anampitsite Anakotawakaiya Amonkarairo, okanya ontzimatyantyariri ashaninkapayeni isaikete kametsa. Nampitsi,maaroniki tonkari otzishi, eejatzi tsika asaikayetzi aakatake oinijantachari amenero antawairentsi owetsikakotya,oinijantya okowiri janteri japatota kari ashi Pinkatsari.

Okaratzi añeeri aretyari ojewate antayeteri pankotsipaye Nampitsi: (a) ontzime owetsikakotya antawairentsi anampiki amenakota owetsikia pankotsi onkanya ojewatantyariri ontsirekia,oshooki okantakotatsinketsa,awotsiteshiyakomentotseejatziiwetsikakanterokametsainiareyetapintapitotsipaye.; (b) ompayete Iroperori antawairentsi iranteri atziripaye, pankotsipaye ashi atekatsitantaari, Yotant sipanko,owetsikakotya anampi eejatzita awanekipaye ontzimatye iramene owetsikakota antawairentsi japatota kaari ashi Pinkatsari; (c) jamenakoyetero tsika onkeni irareetya inkiwante wirakochapayeni ompoña ayomparitya pashiniki Nampitsi,okanya ikowakowaite kapicheni ompinatya aririka ayero shiyakorontsiki eejatzita apimantero pashiniki Nampitsi tsipanampitairi okantakantziri antawairi Nampitsi; (d) ontzimatye owetsike pankotsi tsika asaiki ontzimatye ampitakotero awetsikakotero opoña ekempoyero.

Onkanya,aretaantyarori owetsikia pankotsi, Nampitsi (e) ontzimatye owetsikia sankenarentsi antawaiteri anampi okantakota pankotsi eero osamanitanta eero opinaperota iro kantzimaitacha Iroperori pankotsi; (f) ontzimatye ompayete apatarentsi ikantakota kireeki kaari ashi Pinkatsari ontsipatyari pinkatsariwentzirori Nampitsi amenakotya ojewate kametsa; (g) amitakotero ashitaniyetachari impero, ontzime apani pankotsi kametsa; (h) ontzimatye ajewatero owetsikia kametsa pankotsi, maaroni okaratzi jamenakotakeri antantyariri kametsa; (i) ontzimatye ajewatero owetsikakotya tsimimoterone okaratzi ako antantakarori awetsikiro pankotsi; (j) ontzimatye ajewatero amenero sankinatakotakari

kametsa tzimakerika sankinarentsi okantzi iro ashi aaka ampitakoteri maaroni kari tzimatsiri ireekite; (k) jamenero iwameetsatero Iroperori pankotsi okaratzi antawetakari aaka.

Pitetsa Pitetanaintsiri Irantawaitakanteri Awinkatsarite

Iyomparetyari Kireki Poñinkari Pashinikipaye Nampitsi Ojewatanyari Anampitsite.

Ari amatakero ayomparetyari kireeki poñinkari pashinikipaye nampitsi onkanya oñaperotakanyariri oireekite Anampitsite eejatzi japatotaantsite kirepakoripaye; onkanya iroperotanyari irantawaita Awinkatsarite, kirepakoripaye Anampikipaye eejatzi pashinikipaye Nampitsi.

Ijewatananyarori Awinkatsarite antawairensika ontzimatye: (a) ikantakowentero lwinkatsarimento antari kireeki; (b) inkempoyakantero shipetashiri iyenkishiriamiento kireeki; (c) inkempoyakantero iroperori kenkishiriaantsi eejatzi pinkatsataantsi jewatakanteroneri antawairensi ashi pimantaantsi eejatzi amanantaantsi antakantsiri Anampitsite onkanya omonkaratanyarori Kantakantaantsi ashi Nampitsipaye saikanampitsirori Anampitsite. (d) ijewatakante antawairensi oipiyerineri ireekite pimantawairensipaye pashiniki Nampitsi; (e) ishintsitakajero awotsite pimantaantsi ashi Anampitsite pashinikipaye Nampitsi; (f) iroperotantajiari Anampitsite ireekiteki kirepakoripaye eejatzi pankotsiweripaye antawairensipaye antakantsiri pashinikipaye Nampitsi; (g) ijewatakante antawairensi shintsitakaironeri antawaita pimantaantsi eejatzi pimantaantsi; (h) iwayeritero antawaita koshitaantsi ashi pimantaantsipaye eejatzi amanantaantsipaye; (i) Jowayeritero, imepoyakantero tsikaantsipaye ashi pimantawaitaantsipaye onkatya ojatakotantajiari awankiwaita pashinikipaye Nampitsi; (j) intsankiwentero owakeraripaye antawairensi ashi pimantawaitaantsi onkatya ompinatantajiari awankiwaita anampitsitekika; (k) ijewatakantero, iwetsikakantero pimantawaitaantsi yotanero ayeroneri awankiwaita pashinikipaye Nampitsi; ireekiteki antari kirepakoripaye eejatzi orijaniki; (l) iyomparetyanero kametsaini oyenkishiriamentopaye pashinipaye Nampitsi kisanentakotsirori owimantawaita Anampitsite; (m) Intsikotakotero oshintsikapaye antawaimentotsi ashi pimantaantsipaye; irantawaitaikipaye Awinkatsarite eejatzi kirepakoripaye. Impaireri owinkatsarite ashi pimantaantsi jewateroneri antawairensika.

Pitetsa Mawatanaintsiri Irantawaitakanteri Awinkatsarite

Ijewatakiro Iroperori Antawairensipaye Ashi owaritentsi.

Ari amajeitakero ajewatakiro iroperori antawairensipaye ashi pankiwaitentsi, kemariche, shimataantsi, inchatomashi, antawairensitaki onkatya ojewatakanyariri oireekite anampitsite eejatzi antawaitaipaye anampitsite. Ariajewatakantakero antawairensipayepinatakayaroneri, ñaperotakayaroneri antawaitaipaye ashi pankiwaitentsipaye; onkatya ampimantanyarori pashinikipaye nampitsi. Ontzimatye amenakotero anampitsitepaye kaari saikatsine antarokipaye nampitsi ojewatakiro antawaitaipaye.

Ijewatakanyarori Awinkatsarite antawairensiaka ontzimatye: (a) ari jampitakowentakero antawaita ashi pankirensipaye, piratantsi shima, kemariche maaroni antayetachari anampitsiteki. Inkantakowentero owinaro awankiwaitaipaye saikayetatziri anampitsiteki eero otsomakanta owinaro; (b) ijewatakantero iroperori antawairensi ashi pankiwaitentsipaye tsikanta inkompiyatakantajero nijaapaye isaitantaityarori kantashiyetachari pankiwaitentsi. Ijewatakantero antawairensi ashi ashi shiyakomentotsi, morekamentotsi, choritomoko, impokirotsa eejatzi iwetsike owankopaye onkempoyantayetajiari kantashiwaiyetachari pankiwaitentsipaye; (c) Jampitakotajero antawaitaipaye nampitsipaye saikayetatziri anampitsitekipaye onkanya jamantanyariri oireekite japatotantsitepaye kirepakori onkanya ontzimantanyari owakereipaye antawairensi; (d) ijewatakantero iroperoiripaye antawairensi ashi owakerari yotaantsi

jewatakaironeri antawairentsitaki, oyotane yotantsitaki eejatzi yotaantsi ashi opomeki awatsa; (e) ijewatakante antawairentsi ashi pankiwairesipaye anampitsitekipaye onkantya ompinatantaryari; (f) inkamantajeteri maaroni atziripaye antawairantsipaye saikayetatsiriana ampitsiteki tsika okantakota owinaro pankiwairesipaye onkantya jiyotantajeityarori tsika inkenakayetero impimantero iwankiwairepaye.

Nampitsi Iroperori Onkoñaate Kametsa Eejatzi Ontsipareya Ishintsika Awinkatsarite

Pitetsa Otsitanaintsiri Irantawaitakanteri Awinkatsarite.

Iyotanetakajiaro Irantawaitere Awinkatsarite

Ari amatakero awetsikajero anampitsite onkatya onkomitsatantaryarori antawairepaye iroperori; jewatakajeroneri kametsaini itsimine kireeki anintakajiaro maaroni atzitepayeni. Ontzimatyeye jiyotero Awinkatsarite mawakira Iwinkatsarimento inkemisanteniro oyenkishiriamiento anampitsite okaratzi okowakotsiriri onkantya ojewatakantaryarori antawairepaye. Ari ankantakowentajeitakeri maaroni pimantawairesipaye, amanantawairesipaye, owawairesipaye eejatzi apatotantsipaye amenakotsirori antawairesipayeka onkantya ojewatantaryari kametsaini antawairepaye.

Ijewatantaryarori Awinkatsarite antawairesika ontzimatyeye: (a) ishekiero antawairentsi shintsiri ashi kowakotantsipaye aretakoyetachari iwankokipaye kantashiyetachari Pinkatsaripaye. Kashirikipaye imonkarateniro antawairepaye antakantsiri kantashiyetachari Pinkatsarimentotsi onkantya jiyotantaryarori Awinkatsarite akayetakerorika okowakotantsiri anampitsitepaye; (b) jamenakoteniro oireekite anampitsite jantawaitakantaityariri kametsaini; (c) inkamantero Anampitsite eejatzi anampitsitepaye tsika ikaratsi kireeki aretakotachari, jantawaitakantsiri aparopayeni antawairesipaye antayetachari anampikipaye; (d) anampitsitepaye ontzimatyeye onkowakoteri atziripaye, Apatotaantsipaye antawaitakairiri oireekite Anampitsite tsika ikaratzi kireeki jantawaitakakeri eero otzimatanta koshitaantsi; (e) ari jowayeritakeri Awinkatsarite kenakashiwaitariri oireekite Anampitsite; (g) ari intsomakakantakero owinaro irantawaitementopaye Awinkatsarite onkantya anintantajeityarori maaroni; (h) ari impinatakajiaro yotaneripaye atziri kaari koshiwaitatsine onkantya irantawaitantaryari irantawaitementotsitekipaye Awinkatsarite.

Pitetsa Konitanaintsiri Irantakanteri Awinkatsarite

Inkempoyawentero Oshintsinka Owayerimentotsite Ashi Anampitsite.

Ari amatakero ajewatakantero iroperori antawairentsi ashi Apatotaantsite Owayeritaantsi onkantya impinkatsatantaityarori Anampitsite eejatzi asaikantaryari kametsaini.

Yaretantaryarori Awinkatsarite Antawairesika ontzimatyeye: (a) impajero iroperori yotaantsi Apatotaantsite Owayeritaantsi ashi Anampitsite kankowenterone iroperori kematsataantsi onkantya asaikantajeityari kametsaini; (b) ari inkantakowentakero iroperori kematsataantsi ashi Apatotaantsite Owayeritaantsi tsikanta apatsiyakotajero antawaire; (d) impero Apatotaantsite Owayeritaantsi; iroperori omanarontsi, yotaantsi ; komitsateroneri antawairepaye owayeritaantsi eejatzi kematsataantsi; (e) apatotaantsite owayeritaantsite ashi Anampitsite ontzimatyeye amawentakotyaro Anampitsite eejatzi okakantero owayeritaantsipaye tsinayetachari pashinikipaye Nampitsi; onkantya amonkaratantaryarori okantakantsiri Naciones Unidas eejatzi antekatsitakotantaryari kipatsikika; (f) jampitakotero Awinkatsarite maaroni kowiyimotarori Apatotaantsite Owayeritaantsi ashi Anampitsite; (g) jamenakotero kametsatakerika amanantaantsipaye eejatzi pimantaantsipaye jantayetsiri atziripaye, Apatotaantsipaye saikatzi

Anampitsiteki; (h) inkantakowentajeri atziritepaye Apatotantsite Owayeritaantsi ashi Anampitsite onkantya ijtantajari jokawentajeri kowatziri impinkatsariwentero anampitsite.

Pitetsa Ikotanaintsiri Irantawaitakanteri Awinkatsarite

Ijewatakantero Tampatzikari Antawairentsi . Intsonkakantero Koshitaantsi, Kariperotantsipaye Tsonkatziriri Oirekite Anampitsite.

Ari Amatakantakero antawaitakantero Anampitsiteki yotanetaantsi, antawairentsi tampatsikari onkatya oshintsitanyari kametsari apatsiyaantsi eejatzi kimoshiretaantsi.

Yaretanyarori Awinkatsarite antawairentsika ontzimaty: (a) ijewatakantajero iroperori yotaantsi ashi tsinampashiretaantsi onkantya impinkatsatanyarori atziripaye Okantakantane paye Anampitsite; (b) jamenakotakantero tampatsikakerika antawairentsi paye irantakantane Awinkatsarite eejatzi irantawairepaye antawaiyetatsiri irantawaimentokipaye Awinkatsarite onkantya ontzimanyari iroperori amakowentaantsi antawairentsi paye; (c) jowayeritero kariperotaantsi antawairentsi jantayetsiri iwinkatsaritepaye. Okimetatya koshitaantsi kireeki kaari pinkatsaterone jatzirimento atziripayeni; (d) ijewatakante iroperori yotaantsi owametsanzirori pinkatsashiretaantsi, etakotaantsi, kematsataantsi, tsinampashiretaantsi; kematsatajeroneri okowayetsiri anampitsite; (e) ijewatakante iroperori yotaantsi owayeriteroneri kariperotaantsipayeka: koshitaantsi, kokaweritaantsi, pimantawairentsiñaki, kowayetsiriri kireeki, kaari pinaterone Anampitsite eejatzi tsainkimanentzirori Ikantakantane paye Awinkatsarite; (f) jamenakotajero antawairentsi paye antayetachari irantawaimentokipaye Awinkatsarite eero otzimanta tsañaantsi antawairentsi.

Pitetsa Tsontanaintsiri Irantawaitakanteri Awinkatsarite

Jowayeriteri Kokaweripaye.

Ari amajeitakero ajewatakantero iroperori antawairentsi owayeriteroneri irantawaire kokaweripaye onkantya ontekatsitakotanyari yotaantsi, antawairentsi paye irashi kireeki Eejatzi irañamento atziripayeni ontzimaty aamawentyaro. Ari amajeitakero ajewatakantero iroperori antawairentsi paye poyatapajaroneri koka onkantya aperotanyarori irantawaire kokaweripaye. Ari ampitakotakero okowakoyetairi nampitsipaye jimantsiyayetakeri kokaweripaye.

Yaretanyarori Awinkatsarite antawairentsika ontzimaty: (a) ijewatakantero iroperori antawairentsi ashi yotaantsipankopaye onkantya oshokantajari owakerari yotaantsi, tsinampashiretaantsi owayeriteroneri irantawaire kokaweripaye; (b) jowayeritero kiarioperoini japatotaantsitepaye kokaweripaye; (c) jowayeriteri pimantayetsirori, tsotayetsirori opitsa koka eejatzi powatsirori. Eejatzi wetsikayetsirori aawentaronsi kaari jiyotakote antawaire Awinkatsarite; (d) ijewatakantero iroperori antawairentsi paye ashi pankiwairantsipaye opantatziri osheki kireeki; poyatapajaroneri koka. Iwetsikakante iroperori awotsite shiyakomentotsi aretantajari shintsipaiteni awankiwairerepaye antarokipaye anampitsite; (e) imonkaratakantero Kantakantantsipaye akakeri Anampitsite eejatzi pashinikipaye Nampitsi pankiyetsirori koka; (f) jamakowentajaro, jawentakantajero aipatsite jimantsiyakeri kokaweripaye; (g) jowayeriteri, iroijanateri omakaashitarori koka eejatzi antawairentsi paye irashi Awinkatsarite apatsiyakotsiriri irantawaire kokaweripaye; (h) ijewatakantero iroperori antawairentsi onkantya jareyetanyari kirepakoripaye, yotaneripaye ashi Anampitsite eejatzi poñinkaripaye pashiniki Nampitsi onkantya jiñanyarori anampitsitepaye jomantsiyayetakeri kokaweripaye. Onkantya ontzimanyari antawairentsi; (i) joiminkiakanteri manashitakarori ipimantsiro, itsotziro opitsa koka.

Pitetsa Sotitanaintsiri Irantawaitakanteri Awinkatsarite

Ijewatakantero Irantawaire Pinkatsaripaye Eejatzi Pinkatsarimentotsi Irashi Atsiripaye.

Ari ankantakowentajetakero etawotawakaantsi eejatzi pinkatsataantsi onkatya ashikakotajeitanyari kametsaini. Impero kireeki apatotaansite etawotawakaantsi irashi Awinkatsarite eejatzi ashi anampitsitepaye. Ari nonkantakowentakero iroperori antawairentsi onkantya ontzimanyari pinkatsashiretaantsi amonkaratanyarori Kantakantaantsi ashi maaroni Nampitsipaye saikatziri kipatsikika.

Yaretanyarori Awinkatsarite antawairentsika ontzimaty: (a) ijewatakantero, impinkatsatakantero antawaire Apatotaansite ashi Anampitsite amenakotsirori, kantsimonentaantsipaye eejatzi Otsinkami Kantakamentotsi onkatya ojewatakanyarori kametsaini ampitakotaantsi irashi atziritepayeni; (b) impajeri owakerari yotaantsi irashi amenakantsiroripaye kantsimonentaantsipaye onkantya irantawaitanyari kemetsa; (c) ijewatakantajero, impinkatsatakantajero oyenkishiriamiento, oyotane, Okantakantane aparopaye Anampitsitepaye; (d) ari ijewatakantakero Awinkatsarite kametsari irantawaire amenakotzirori kantsimonentaantsi; (e) inkamantero Anampitsite tsika okantakota jamenakoitsiro Peyakotaantsi onkantya awetsikanyarori kametsaperoini kantsimonentaantsipaye; (f) impinkatsatakantero Okantakantsiri Oponkitsi Anampitsite. Impinkatsashiretakantajeri atziripaye. Atziripaye kaari pinkatsashireterineri, ishaninka ontzimaty joimonkiyakanteri Awinkatsarite ashitakomentotsiki; (g) ijewatakantero iroperori antawairentsi irashi Pinkatsaripaye amenakantzirori kantsimonentaantsipaye eero okariperotanta irantawairepaye; (h) inkantakowentero antawaire maaroni Anampitsiteki Apatotaansite Kantakowentzirori Anampitsite; (i) impero ishintsinka Awinkatsarite onkantya ojewatakanyarori antawairepaye japatotaantsitepaye Pinkatsaripaye amenakaantsirori kantsimonentaantsipaye.

Pitetsa Tintanaintsiri Irantawaitakanteri Awinkatsarite

Oshitowakotaje Ayenkishiriamiento Sankenarentsikipaye, Choritomokoki, Pirontsimokoki, Impokirotsaki

Ari amatakero ankantakowentero iwinkatsashiriantsite maaroni atziripayeni. Ari onkantakia inkowakoteri maaroni atziripayeni kamantaantsipaye iroperori irashi Awinkatsarite onkantya oyotanyari Anampitsite. Ari amatakero ankantakowentero oyenkishiriamiento Anampitsite onkantya onkoñatakotantajari iroperori kamantaantsi. Ari amatakero ajewatakantero iroperori antawairentsi onkantya oshitowakotantajari iroperoripaye kamantaantsi eejatzi ari onkantakia iwetsikajeite atziripaye kantashiwaiyetachari iroperori kamantaantsi.

Inkantakowentanyarori Awinkatsarite antawairentsika onkantya onkoñatakotantajari akenkishiriamiento ontzimaty: (a) ijewatakantajero yotaantsi tampatsikari kamantakoterone kametsaperoini tsika okanta ojewatsi irantawaire Awinkatsarite eejatzi tsika ikaratzi kireeki jantawaitakantakeri. Te onkametsate amanakawaite; (b) Intsokatakantero Kantakantaantsipaye kisanentsirori oyenkishiriamientopaye impokirotaantsi. Jashitakotakanteri tsaiwaripaye erotzipaye kaari antawaiterone kametsaini kamantaantsi; (c) joinijantajero Awinkatsarite tampatsikari kamantaantsi pirontsimokoki Anampitsite; (d) intsonkatakantero kariperotaantsi antawairentsi ashi impokirotaantsi eero opinaperotanta onkantya jantawaitanyarori. Maaroniatzirite Anampitsite; (e) jimonkaratakantero owinkatsashiriamiento Anampitsite eejatzi irashi atziripaye. Onkoñatakotaje kametsaini oyenkishiriamiento anampitsite eejatzi irashi atziritepayeni; (f) itsipataro Pinkatsarimentotsi amenakantzirori kamantaantsi irashi Awinkatsarite onkantya onkoñatakotantajari kametsari kamantaantsi ashi Anampitsite; (g) ari inkatakowentakero antawaire japatotantsite atziripaye kowatziri impinkatsariwentero Anampitsite onkantya onkoñatakotantajari kamantaantsikipaye irantawairepaye; (h) Awinkatsarite ari jamawentakiaro tsaiyakotaantsipaye eejatzi kishimataantsipaye; (i) ari inkantakowentakero tampatsikari antawaire kamantaantsipaye onkantya

onkantakowentanyariri iwinkatsashiriamento atziripayeni kamantaantsikipaye, (j) ari iwetsikakantake kantakantaantsi kantanteroneri, oinjanteroneri tampatsikari iyenkishiriamento erotzipenkipaye Japatotaantsitekipaye; (k) jinashityaro iyenkishiriamento aririka jiñakowenteri (o) imposawaitaiteero iwinkatsashiriamento atziripayeni.

Mawatsa Aparonitonaintisiri Irantawaitakanteri Awinkatsarite

Antsonkatakanti Oisomokori Eejatzi Apatsiyawakajia Anampitsiteki.

Ari amatajetakero antsonkatakantaperoteri oisomokori, amenakantaperoteri iwinkatsashiriamento atziripaye onkantya apatsiyawakantajiri kametsaini Anampitsiteki; akawakantsika irotake oyishiteroneri ashinonkantsi onkantya asaikajetanyari Kametsa Anampitsiteki Perú.

Aretanyarori antawairentsika Anampitsite ontzimaty: (a) ijewatakante antawairentsi tsonkaterine oisomokori. Iroijanateri, irashitakotakanteri oijatayetsiri oisomokoripaye eejatzi kokaweripaye; (b) jantawaitakairo Kantakantaantsi irashi oisomokori saikayetatsiri pashinikipaye Nampitsi onkantya impinkatashiretanyariri atziripaye. Impinkatsatakantero Kantakantaantsipaye ocharinkakeri Anampitsite Perú irashiki iwinkatsashiriamento atziripaye; (c) ijewatakantero yometsantsi ashi kematsatantsi, yotaantsi ashi tekatsitaantsi onkantya maaroni atziripaye inkisawentanyarori Anampitsite, iwinkatsashiriamento atziripaye eejatzi jamanyarori irantawaiterepaye oisomokori; (d) inkantakowentajeri atziripaye ñaashitakarori kantsimonentaantsi irashi oisomokori yotanatsipankokipaye; (e) jampitakotajero nampitsipaye omantsiyakeri irantawaitere oisomokori; (f) jamenakotero, intsonkatakotero antawaitere kariperotaantsi amirori kantsimonentaantsi atzirikipaye.

Mawatsa Panitonaintisiri takanteri Awinkatsarite

Ashokakajeri oirekite Anampitsite onkantya ampinawentajiri

Ari amatakantakero amene kireki

shokatsineri onkantya amonkaratanyarori okowakantsiripaye anampitsite eejatzi ampinawentajiri pashiniki nampitsi onkantya eiro ikowityanta oirekite anampitsite oshokakanyariri kametsaini oshokakanyariri kametsaini anampitsite

Jaretanyarori Awinkatsarite antawairentsika ontsimatye:

a) Oshokakaire oirekite anampitsite; b) Jamenakantajero owakerari antawairentsi irashi oirekite anampitsite onkantya ishokantajiri osarentsikipaye eejatzi antawirentsi kametsari kirekipankokipaye saikayetatsiri anampitsiteki; c) Jamenakanteri kametsaini oirekite anampitsite Perú; d) Jamenakantajero kametsaini antawirentsi eiro ipeyanta oirekite anampitsite; e) Japatsiyakoteri amanantsirori antawairentsi ashi Anampitsite onkantya oshokanyari. Onkantya omonkaratanyari okowakantsiri Anampitsite; f) Jamenakantajeri kireki kametsaini tsika ikaratsi pairani tsimawetachari eejatzi tsika ikaratsi iroñaka tsimatsiri oirekite anampitsite eejatzi ontsimatye amenakoteri tsika inkarate tsimatsineri apaata.

Akakorentsi

Apatotakotapaka Jantayeziri

Kenkitsawaitaantsi Aretantyarori Omonkaratakanteri Anampitsite

Apatoirentsika jantakantakeri Awinkatsarite amenakotsirori Anampitsite eejatzi japatotaantsite atziripaye kowatziri impinkatsariwentero Anampitsite opoñapaka anampitsitepaye eejatzi Awinkatsarite; inkantajeitake aretantyarori antawairentsi okaratzi asankenatakotakerika; ontzimatye Ankenkitsawaitajeite. Okaratzi antakerika irotake oijateri onkantya aretantyarori antawairentsi paye okowakantziri Anampitsite antachaneri.

Apatoirentsika osheki owinaro. Irotake antawaire iroperori kenkitsawaitaantsi tsikanta apinkatsatawakaaro aparopaye ayenkishiriamento. Ari ampitakotakero antawairepaye kenkitsawaitaantsika ashi Anampitsite. Enitatsi okowa awetsikashitero Apatotaantsite ashi kenkitsawaitaantsi onkantya amposhinitakantyarori iroperori kematsataantsi.

Tsame ampajeitero ashintsinka iroperorika kenkitsawaitantsi ashi Anampitsite onkantya apatziyawakantyarori kametsaini eejatzi ampinkatsatawakantyarori maroitani. Eero ashinetsiro onkiye kariperotaatsi poñayetachari tsikarikapaye iroperorika kenkitsawaitaantsi ashi Anampitsite.

Awinkatsarite iritake kempoyawenterone pinkatsashiretaantsika eejatzi kematsataantsika. Omonkaratakanteri Anampitsite ontzimatye owayeritero ashinonkaantsi eejatzi monkaratawakaantsi; antawairentsi ontzimatye intsipareniro Awinkatsarite japatotaantsitepaye atziripaye kowatziri impinkatsarite Anampitsiteki. Maaroni anintajeitajiaro antawaire aawentarontsi, eejatzi iroperori yotaantsi (apatoirentsi ashi amonkaratawakantajiaro anampitsiteki). Awetsikakantaje iroperoripaye antawairentsi paye irashi atziritepaye onkantya ishokantyarori kametsaperoini oireekite shintsini ashi Anampitsite (Apatoirentsi ashi irapatotaantsite Awinkatsarite onkatya ontampatsikatantyarori antawaire).

Apatoirentsi paye ontzimatye onkoñatakote tsika okanta ojewatsi antawairentsi paye onkatya japatotaantsitepaye atziripaye kowatziri impinkatsariwentero Anampitsite eejatzi ashi anampitsitepaye; omatakantantyarori okaratzi okowakantsiri Anampitsite.

Akaimawakajeita maaroitani akarajetsika asaikantaro Anampitsite; onkatya ankenkitsawaitantyarori iroperori kematsataantsi; amenakotantyarori antawairentsi paye iroperori onkantya antawajetantyarori kemetsaini.

Sankenarentsika isankenajetakero iwankoki Awinkatsarite koniki kitaiteri	kashiriki mawa; osarentsiki 2002:	
Alejandro Toledo Manrique, Presidente de la República	Fernando Olivera Vega Frente Independiente Moralizador	Julio Favre Carranza Confederación Nacional de Instituciones Empresariales Privadas
Roberto Dañino Zapata, Presidente del Consejo de Ministros	Aldo Estrada Choque Unión por el Perú	Manuel Yzaga Salazar Sociedad Nacional de Industrias
Alan García Pérez Partido Aprista Peruano	Ernesto Blume Fortini Somos Perú	Mario Huamán Rivera Confederación General de Trabajadores del Perú
Valentín Paniagua Corazao Acción Popular	Mons. Luis Bambarén Gastelumendi Conferencia Episcopal Peruana	Gastón Garatea Yori Mesa de Concertación para la Lucha Contra la Pobreza
Lourdes Flores Nano Unidad Nacional	Darío López Rodríguez Concilio Nacional Evangélico del Perú	Washington Román Rojas Coordinadora Nacional de Frentes Regionales
Alberto Cruz Loyola Perú Posible		

Neologismo Arawak: Ashaninka

Kematsataantsi. *Democracia.*

Apatotakotapaka Jantayetziri. *Anexo.*

Akakorentsi. *Compromiso.*

Erotsitaantsi. *Periodismo.*

Pinkatsashiretaantsi. *Derechos Humanos.*

Impokirotaantsi. *Medios De Comunicación.*

Pirontsimoko. *Televisión.*

Kantakaantsimento. *Normas Legales.*

Porenkari. *Mina.*

Tsinketsa. *Electrificación.*



Omonkaratakanteri Anampitsite

...Ojewatakantary Antawaire anampitsite